



14. juni 2023

Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuningga apeqquteqaateqarpunga:

Naalackersuisunut apeqquteqaatit:

1. **2021-mi inunngortut 1973-miilli aatsaat taama ikitsigilersimanerannut Naalackersuisut qanoq isumaqarpat?**
 - a. **Inunngortut taama ikitsiginerinut nunatsinni kulturitigut, inuussutissarsiornikkut aammalu sulisoqarnikkut pissutsit ineriartornerinut tunngatillugu Naalackersuisut ernumassutissanik peqarnerlutik (akissut tunngavilersoqquneqarpoq)?**
 - b. **Naatsorsueqqissaartarfik aallaavigalugu 1990-mi inunngortut amerlanerpaajusimapput, 1.258 inunngorsimallutik. Naak inunngortartut 500-jut angullugit ikilismagaluartut Nunatta Nakorsaanera nalunaarusiami saqqummeqqammisumi allassimavaa¹, tamanna nalaatsornerinnakkut pinnginnera naliliissutigineqarsinnaanngitsoq. Naalackersuisut tamanna isumaqatiginerlugu?**
2. **Meerartaarnissamut pilerinarsaanissaq eqqarsaatigalugu Naalackersuisut suut suliniutissatut aallartisarniarpaat?**
3. **Nammineq pisuussutigiginagu meerartaarsinnaanngitsut ikiorserniarlugit Naalackersuisut suut tigussaasut iliuuseriniarpaat?**
4. **Naalackersuisut pineqartumut allanik paasissutissiisinnaanerlutik?**

(Inatsisartunut ilaasortaq Bjørk Lange Kristensen, Demokraatit)

Tunngavilersuut

2021-mi nunatsinni 766-it inunngorput, 1973-miilli aatsaat taama ikitsigilersimallutik. Tamanna ernumanarluinnarpoq, oqaluttuarisaanermi aallaavigalugu inunngortartut amerlassusaat piffissat allanut sanilliullugu ukiuni kingullerni appasereernikummat. 1980-kkunni 1990-kunnilu aalajaatsumik ukiumut 1.000-it missaanni inissisimasarsimavoq, 1960-kkunnilu sulii qaffasinnerusimalluni.

Ukiuni makkunani inunngortartut ikinneri misigisarput siunissami innuttaqassutsimut nunatsinnullu sunniutissai annertungaarput. Nunatut inuiaqatigiittullu kulturerput, ileqqugut taamatuttaarlu inuiaqatigiit ingerlanissaannut sulinissatsinnut inuit pisariaqartippagut. Ullumikkut nunatta avataaniit sulisoqarnissarput pinngitsoorsinnaajunnaareerparput. Tamakku tunngavigalugit inunngortartut amerlassusaasa inissisimanagera ernumanartortaqartoq isumaqarfigaara.

¹ https://nun.gl/nyheder/2023/05/foedsler?sc_lang=kl-gl



DEMOKRAATIT
DEMOKRATERNE

Pitsaangitsumik ineriartorneq killormut saatinniarlugu Naalakkersuisut qanoq suliniuteqarniarnersoq paasissallugu soqutigaa.

Apeqqutit akissutaat ullut qulit suliffiusut iluanni akineqareersimanissaat kissaatigaakka.